

Član 11.

Član 46. mijenja se i glasi:

"Član 46.

Za održavanje humanitarnih, kulturnih, sportskih, predizbornih i sličnih manifestacija od interesa za Općinu, može se odobriti korišćenje javne površine bez naknade, o čemu odlučuje načelnik Općine".

Član 12.

Član 48. se briše.

Član 13.

Načelnik Općine donijet će uputstvo o provođenju ove Odluke.

Član 14.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-153/09
25. marta 2009. godine
Sarajevo

Predsjedavajući
Općinskog vijeća
Stari Grad Sarajevo
Prof. dr. **Rizah Avdić**, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 10. tačka 7. i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko vijeće Stari Grad Sarajevo, na sjednici održanoj 25. marta 2009. godine, donijelo je

ODLUKU

O USLOVIMA I NAČINU KORIŠTENJA PROSTORIJA MJESNIH ZAJEDNICA

Član 1.

Ovom Odlukom uređuju se uslovi i način korištenja prostorija mjesnih zajednica na kojima pravo raspolaganja ima Općina Stari Grad Sarajevo (u daljnjem tekstu: Općina).

Prostorije mjesne zajednice u smislu ove Odluke smatraju se prostorije i objekti u kojima je smješteno sjedište mjesne zajednice.

Član 2.

Prostorije mjesne zajednice služe za smještaj i rad uposlenih u mjesnoj zajednici, kao i za smještaj i rad organa i tijela mjesne zajednice.

Ukoliko to dozvoljavaju prostorne mogućnosti, u prostorije mjesne zajednice mogu se smjestiti:

- uposleni i službe jedinstvenog organa uprave;
- uposleni Policijske uprave Stari Grad;
- uposleni u ustanovama iz oblasti zdravstvene i socijalne zaštite koje se finansiraju iz budžeta Kantona ili Općine;
- udruženja građana, nevladine organizacije, kulturno-umjetnička i sportska društva.

Član 3.

Prostorije mjesnih zajednica mogu se koristiti i za održavanje:

- referenduma, zborova građana, provođenje općih i lokalnih izbora, izbora za organe i tijela mjesne zajednice;
- predizborne skupove, promocije političkih programa stranaka;
- sjednice organa i tijela mjesne zajednice;
- sastanke nevladinih organizacija, udruženja građana;
- održavanje kulturno-umjetničkih programa, probe i nastupa kulturno-umjetničkih društava, takmičenja, pozorišne i filmske predstave, koncerti, promocije, izložbe, zabavni programi i druge manifestacije u organizaciji prosvjetnih ustanova, kulturno-umjetničkih,

sportskih, boračkih, humanitarnih i drugih udruženja građana budžetskih korisnika Općine.

Član 4.

Organi i tijela mjesne zajednice koriste prostor mjesne zajednice na osnovu Odluke o osnivanju mjesnih zajednica.

O smještaju uposlenih i službi jedinstvenog organa uprave i Policijske uprave Stari grad odlučuje načelnik Općine (u daljnjem tekstu: načelnik);

O smještaju uposlenih iz oblasti zdravstvene i socijalne zaštite koji se finansiraju iz budžeta Kantona ili Općine odlučuje Komisija Općinskog vijeća za poslovne prostore (u daljnjem tekstu: Komisija) na prijedlog načelnika.

O smještaju u prostor mjesne zajednice u ostalim slučajevima odlučuje Komisija na prijedlog savjeta mjesne zajednice.

Član 5.

Načelnik odlučuje o korištenju prostora mjesnih zajednica u slučajevima iz člana 3. stav 1. alineja 1.

O korištenju prostora mjesnih zajednica iz člana 3. stav 1. alineja 2. ne treba posebno odobrenje, a o rasporedu održavanja skupova nadležan je savjet mjesne zajednice.

Savjet mjesne zajednice odlučuje o davanju na korištenje prostorija mjesnih zajednica bez naknade u slučajevima predviđenim u članu 3. stav 1. alineja 3, 4. i 5.

Član 6.

Na prijedlog savjeta mjesne zajednice načelnik odlučuje o iznajmljivanju uz naknadu; dijela prostora mjesnih zajednica za održavanje raznih programa komercijalnog karaktera.

Član 7.

Sredstva ostvarena po osnovu komercijalnog korištenja prostorija mjesnih zajednica usmjeravaju se za održavanje prostorija mjesne zajednice koja ostvaruje prihod po tom osnovu.

Član 8.

Prostorije mjesne zajednice mogu se koristiti za namjene predviđene u ovoj Odluci svakim danom u vremenu od 10 do 22 sata ukoliko to dozvoljavaju prostorne mogućnosti.

Član 9.

Udruženje građana, političke stranke i drugi mogući korisnici prostorija mjesnih zajednica podnose pismeni zahtjev za održavanje skupa - manifestacije savjetu mjesne zajednice najkasnije sedam dana prije dana održavanja događaja.

Udruženje građana i ostali korisnici prostorija mjesnih zajednica koji kontinuirano koriste prostor mjesne zajednice o terminima korištenja dogovaraju sa savjetom mjesne zajednice.

Član 10.

Savjet mjesne zajednice donosi odobrenje o održavanju svakog skupa pojedinačno i o tome u pismenoj formi blagovremeno obavještava podnosioca zahtjeva.

Član 11.

U prostorijama mjesnih zajednica zabranjena je distribucija i konzumiranje alkoholnih pića.

Član 12.

U skladu sa pozitivnim propisima, organizatori skupova - manifestacija i savjet mjesne zajednice dužni su obavijestiti Policijsku upravu Stari Grad o vremenu održavanja i karakteru skupa radi preuzimanja odgovarajućih mjera bezbjednosti.

Član 13.

Savjeti mjesne zajednice moraju odbiti održavanje skupa - manifestacije koja je u suprotnosti sa zakonom i drugim pozitivnim propisima, te onim skupovima i programima koji su suprotni osnovnim moralnim vrijednostima društva.

Član 14.

Služba za opću upravu i lokalnu samoupravu nadležna je da neposredno, stalno i cjelovito prati proces provođenja ove

Odluke u mjesnim zajednicama te da predlaže mjere i aktivnosti na što kvalitetnijem korištenju prostorijskih zajednica.

Član 15.

Ova Odluka stupa na snagu danom objavljivanja na oglasnoj ploči Općine i svih mjesnih zajednica, a naknadno će se objaviti i u "Službenim novinama Kantona Sarajevo".

Broj 02-49-166/09 Mart 2009. godine Sarajevo	Predsjedavajući Općinskog vijeća Stari Grad Sarajevo Prof. dr. Rizah Avdić , s. r.
--	--

Ova Odluka je stavljena na oglasnu ploču 26. 3. 2009. godine i skinuta 6. 4. 2009. godine.

Na osnovu člana 10. tačka 1. i 7., člana 25. tačka 2. i 12. i člana 62. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko vijeće Stari Grad Sarajevo, na sjednici održanoj 25. marta 2009. godine, donijelo je

ODLUKU

O DAVANJU SAGLASNOSTI NA ZADUŽENJE OPĆINE STARI GRAD SARAJEVO I ZAKLJUČENJE UGOVORA O KREDITU SA RAZVOJNOM BANKOM FEDERACIJE BOSNE I HERCEGOVINE

Član 1.

Ovom Odlukom, Općinsko vijeće Općine Stari Grad Sarajevo daje saglasnost na kreditno zaduženje Općine Stari Grad Sarajevo kod Razvojne banke Federacije Bosne i Hercegovine u iznosu: 1.000.000,00 KM (jedanmilijon KM).

Član 2.

Sredstva revolving fonda, koristit će se za finansiranje projekta lokalne zajednice, koji doprinosi poboljšanju infrastrukture.

Član 3.

Općina Stari Grad Sarajevo će finansirati sljedeće projekte: Rekonstrukcija saobraćajnice Iza Gaja "Pogledine i Dolovi" tj. projekt saobraćajnice i kanalizacije, te sanacija proloma tla na lokalitetu Vratnik.

Član 4.

Ukupna masa potrebnih kreditnih sredstava, namijenjenih za realizaciju projekta, navedenog u članu 3. iznosi 1.000.000,00 KM (jedanmilijon KM).

Član 5.

Kreditna sredstva se prihvataju pod sljedećim uslovima (Kriteriji Federacije):

- Maksimalni iznos kredita 1.000.000,00 KM
- Greys period do šest mjeseci
- Kamatna stopa 4% (četiri) godišnje, fiksno
- Rok otplate 7 (sedam) godina
- Jednokratna naknada za upravljanje 0,50%
- Učešće vlastitih sredstava 10%
- Instrumenti osiguranja
plaćanja kolateral prihvatljiv za Banku

Član 6.

Na osnovu uslova, iz člana 5. ove Odluke, kojim se odobravaju kreditna sredstva, varijanta otplate ovog dugoročnog kredita je:

- Anuitet godišnji 166.609,00 KM (stotinušezdesetšesthiljadašeststotinadevet KM)
- Anuitet polugodišnji 82.602,00 KM (osamdesetdvijehiljadešeststotinadvije KM)
- Anuitet mjesečni 13.669,00 KM (trinaesthiljadašestošezdesetdevet KM)

Napomena: Ukupna cijena uzetog kredita sa kamatama i jednokratnom naknadom za upravljanje je: 1.172.442,00 KM (jedanmilijonstotinusedamdesetdvijehiljadečetiristotinečetredeset dvije KM)

Član 7.

Nakon eventualnog dobijanja kredita od strane Razvojne banke Federacije Bosne i Hercegovine, Općina Stari Grad će, putem Rebalansa Budžeta, kako to zahtijeva kreditor, unijeti odobrena sredstava u prihodovnu stranu budžeta, i navesti, na rashodovnoj strani, projekt za koji će biti utrošena kreditna sredstva.

Član 8.

Općina kao zajmoprimac je strana koja prioritarno ima obavezu izmirenja duga.

Servisiranje duga - otplata duga, na pozajmljena sredstva (kredit) predstavljaju izvršene uplate od strane Općine, prema dinamički utvrđenom anuitetskom planu, do potpune otplate kredita.

Član 9.

Za potrebe Razvojne banke Federacije BiH kao kreditora, zajmoprimac (Općina) će obezbijediti garanciju Kantona Sarajevo na ime vraćanja kreditnih sredstava po osnovu prihoda od izdavanja poslovnih prostora u zakup (kolateral) ili na nekretninu čija je vrijednost procijenjena od strane ovlaštenog sudskog vještaka na minimalni iznos od 1.500.000,00 KM (jedanmilijonpetstotinhiljada KM), a koja je uknjižena na Općinu Stari Grad Sarajevo sa pravom raspolaganja 1/1.

Član 10.

O zaduživanju Općine Stari Grad Sarajevo i zaključivanju ugovora o kreditu, odlučuje Općinsko vijeće, dvotrećinskom većinom.

Član 11.

Općinsko vijeće daje ovlaštenje načelniku Općine Stari Grad Sarajevo i predsjedavajućem Općinskog vijeća da, po ispunjavanju potrebnih uslova, potpišu i objere Ugovor o kreditnom zaduženju Općine Stari Grad Sarajevo.

Član 12.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-175/09 Mart 2009. godine Sarajevo	Predsjedavajući Općinskog vijeća Stari Grad Sarajevo Prof. dr. Rizah Avdić , s. r.
--	--

Na osnovu člana 25. Statuta Općine Stari Grad Sarajevo-Prečišćeni tekst ("Službene novine Kantona Sarajevo", broj 31/08), člana 18. stav 1. alineja 1. i člana 6. Odluke o dodjeli na korištenje poslovnih prostora i visini i načinu plaćanja zakupnine za poslovne prostore na kojima pravo raspolaganja ima Općina Stari Grad Sarajevo ("Službene novine Kantona Sarajevo", broj 26/07 i 6/08) i Odluke o izmjenama i dopunama Odluke o dodjeli na korištenje poslovnih prostora i visini i načinu plaćanja zakupnine za poslovne prostore na kojima pravo raspolaganja ima Općina Stari Grad Sarajevo br. 02-49-108/09, Općinsko vijeće Stari Grad Sarajevo, na sjednici održanoj 25. marta 2009. godine, donijelo je

ODLUKU

O DODJELI NA KORIŠTENJE POSLOVNOG PROSTORA U ULICI DŽININA BROJ 12

1. Poslovni prostor u ulici Džinina broj 12 (površine 30 m², druga poslovna zona), dodjeljuje se na korištenje Udruženju organizaciji demobiliziranih branilaca odbrambeno-oslobodilačkog rata 1992-1995. Općine Stari Grad Sarajevo, uz uslov da isti oslobode poslovni prostor koji trenutno